



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: UP-I/25-3-40-322-4/20
Datum: 05.10.2020. godina

«Agencija za vodno područje rijeke Save» Sarajevo rješavajući po zahtjevu pravnog lica „EKO TOPLANE“ d.o.o. Gračanica za donošenje rješenja o vodnoj dozvoli za promet opasnih materija koje nakon upotrebe dopijevaju u vode, ispuštanje tehnoloških otpadnih voda i ispuštanje oborinskih onečišćenih voda sa lokacije kotlovskog postrojenja snage 9 MW izgrađenog u Industrijskoj zoni općine Gračanica, na osnovu člana 109. stav (1) tačka 2. i 13. Zakona o vodama. («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o vodnoj dozvoli**

1. Pravnom licu „EKO TOPLANE“ d.o.o. Gračanica daje se vodna dozvola za promet opasnih materija koje nakon upotrebe dopijevaju u vode, ispuštanje tehnoloških otpadnih voda i ispuštanje oborinskih onečišćenih voda sa lokacije kotlovskog postrojenja snage 9 MW izgrađenog u Industrijskoj zoni općine Gračanica, na zemljištu označenom kao k.č. 5246 K.O. Gračanica.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene tehničke i druge dokumentacije, izvršenog uviđaja na lokaciji objekta i priloženim dinamičkim planom i pod slijedećim uslovima:
 - 3.1. Korisnik poslovnog objekta za sve vrijeme trajanja ove vodne dozvole treba obezbijediti da se prije ispuštanja tehnoloških otpadnih voda u odmuljnu jamu vrši razblaženje iste vodom iz gradskog vodovodnog sistema. Nakon mjerenja pH (<9.5) i temperature vode (<40°C) u odmuljnoj posudi, voda se ispušta u rijeku Sokološu.
 - 3.2. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda redovno održava i koristiti na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.3. Čišćenje, odvoz i konačno zbrinjavanje taloga iz odmuljne jame - opasnog otpada sa lokacije predmetne kotlovnice, može vršiti isključivo firma ovlaštena za tu vrstu djelatnosti, prema sklopljenom ugovoru.
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta u skladu sa Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.5. U toku važenja ovog Rješenja, korisnik predmetnog objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti emisije definisane u prilogu 17., tabela 1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20).
 - 3.6. U toku važenja ovog Rješenja, korisnik predmetnog objekata je obavezan poduzeti sve potrebne mjere kako bi kvalitet oborinskih onečišćenih, a prije ispuštanja u recipijent, zadovoljio granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20).
 - 3.7. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
 - 3.8. Skladištenje lož ulja (alternativni energent) vršiti u podzemnim rezervoarima ukupne zapremine 50 m³ sa pripadajućom armaturom za rukovanje, praćenje i sigurnost rada.
 - 3.9. Korisnik objekta je obavezan vršiti redovnu kontrolu rezervoara za skladištenje loživog ulja-mazuta, njihovo čišćenje i kontrolu rada.

- 3.10. U skladu s propisima iz oblasti zaštite okoliša, vršiti bezbjedno skladištenje i postupanje sa opasnim materijama i otpadom nastalim na predmetnom lokalitetu.
- 3.11. Osigurati priručna sredstva za brzu intervenciju u slučaju nekontrolisanog loživog ulja- mazuta, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
4. Korisnik objekta je obavezan vršiti plaćanje vodne naknade u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16).
5. U periodu važenja ove vodne dozvole, Investitor, odnosno korisnik predmetnog objekta je dužan provoditi sve mjere i aktivnosti propisane istom.
6. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja za proizvodnju toplotne energije obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godine, od dana pravosnažnosti ovog rješenja.
9. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
10. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. i 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „EKO TOPLANE“ d.o.o. Gračanica se pismenim putem obratio ovoj Agenciji za donošenje rješenja o vodnoj dozvoli za promet opasnih materija koje nakon upotrebe dospjevaju u vode, ispuštanje tehnoloških otpadnih voda i ispuštanje oborinskih onečišćenih voda sa lokacije kotlovskog postrojenja snage 9 MW izgrađenog u Industrijskoj zoni općine Gračanica, na zemljištu označenom kao k.č. 5246 K.O. Gračanica.

U provedenom postupku dostavljena je i pregledana slijedeća dokumentacija:

- Ovjerena Kopija uvjerenja o registraciji/upisu u Jedinствeni registar obveznika indirektnih poreza donesenog od strane Uprave za indirektno-neizravno oporezivanje Banja Luka broj: 04/1-17-1-32-252-8/09 od 27.08.2009.godine;
- Kopija Rješenja o odobrenju za građenje, broj: 06-23-1088-2007 od 31.05.2007 godine, izdatog od strane Službe za urbanizam, geodetske i imovinsko-pravne poslove Općine Gračanica;
- Kopija Rješenja o okolinskoj dozvoli, broj: UP-I-05/2-23-80/18 od 29.06.2018. godine izdato od strane Federalnog ministarstva okoliša i turizma;
- Rješenje o vodnoj dozvoli broj: UP-I/25-3-40-312-4/15 od 30.07.2015. godine, donesenog od strane Agencije za vodno područje rijeke Save;
- Rješenje o vodnoj dozvoli broj: 04/1-13-25-3-14352/08 od 08.06.2009. godine, donesenog od strane Ministarstva poljoprivrede, šumarstva i vodoprivrede Tuzlanskog kantona;
- Kopija Rješenja o urbanističkoj saglasnosti, broj: 06-23-3762-2006 od 22.01.2007. godine donesenog od strane Službe za urbanizam, geodetske i imovinsko-pravne poslove Općine Gračanica;
- Izvještaj o monitoringu kvaliteta i kvantiteta otpadnih voda broj: G1/1, februar 2020. godine urađen od strane „TQM“ d.o.o. Lukavac;
- Opis ispuštanja tehnoloških otpadnih voda;
- Dokaz o uplaćenju upravnoj pristojbi i administrativna taksa na zahtjev.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), ovaj organ je pokrenuo upravni postupak, te je dana 17.09.2020. godine izvršen uviđaj na predmetnoj lokaciji, o čemu je sačinjen Zapisnik broj: UP-I/25-3-40-322-2/20.

Na osnovu dostavljene dokumentacije uz predmetni zahtjev i izvršenom uviđaju na predmetnoj lokaciji, utvrđeno je slijedeće:

Kotlovnica „EKO TOPLANE“ d.o.o. Gračanica instalisane snage 9 MW spada u kategoriju vrelovodnih kotlovnica smještene u u Industrijskoj zoni općine Gračanica, na zemljištu označenom kao k.č. 5246 K.O. Gračanica. Tehnološke otpadne vode nastaju prilikom odmuljivanja kotlova (u toku sezone svaki drugi dan) i u toku remonta-ispiranj instalacija (van sezone grijanja), a iste se prihvataju u odmuljnu posudu. Nakon mjerenja pH (<9.5) i temperature vode (<40°C) u odmuljnoj posudi, voda se ispušta u rijeku Sokološu.

Za potrebe korištenja alternativnog energenta kotlovnica posjeduje podzemne dvoplašne rezervoare loživog ulja-mazuta smještena u vodonepropusno betonsko korito. Ukupni kapacitet rezervoara je 50 m³.

Oborinske vode sa saobraćajnih i manipulativnih površina kompleksa kotlovnice, koje mogu biti onečišćene naftom i naftnim derivatima, prikupljaju se putem slivnika te kanalizacionim cijevima vode do tipskog separatora ulja i naftnih derivata, a zatim prečišćene vode se preko okna za monitoring ispuštaju u rijeku Sokolušu.

Na osnovu pregleda dostavljene dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa s članom 116. Zakona o vodama i članom 13. Pravilnika o sadržaju, obliku, uvjetima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za promet opasnih materija koje nakon upotrebe dospjevaju u vode, ispuštanje tehnoloških otpadnih voda i ispuštanje oborinskih onečišćenih voda, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13)

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Meho Čaušević, B.Sc.ing.građ.



Po ovlaštenju

Rukovodilac sektora za izdavanje vodnih akata

Haris Ališehović
Haris Ališehović, dipl.ing.građ.

PRILOG:

- Izvještaja o monitoringu kvaliteta i kvantiteta otpadnih voda kotlovnice EKO TOPLANE d.o.o. Gračanica urađen od strane TQM d.o.o. Lukavac.

Dostaviti:

- „EKO TOPLANE“ u Sarajevu, Industrijska zona bb, 75320 Gračanica
- AVP Sava, ISV-vodna knjiga,
- Sektor 50
- Sektor 40 – arhiva
- Oglasna ploča – AVP Sava